

TSELA YA GO AMOGELA TSHEDIMOSETSO YA GORE O IKOBELA MELAO YA LEKGETHO

#YourTaxMatters

Jaaka Dikgwebopotlana kgotsa tsa Bogolo jo bo mo Magareng (Small, Micro or Medium Enterprise [SMME]), mo tsamaong ya nako setheo sengwe se tla go kopa gore o se neye / o netefatse / o se romelele tshedimosetso ya gore Ga o Kolote Lekgetho. Seno se ka direga fa o dira kopo ya go newa thendara, konteraka e ntsha, fa go tiholwa gore a o duetsekgotsa fa o sekasekwa Dipeeletsomadi kwa Dinageng di Sele. **Tshedimosetso ya Gore Ga o Kolote Lekgetho e ka bonwa ka go dirisa tsamaiso ya Boemo jwa Go Ikobela Melao ya Lekgetho.**



Tsamaiso ya Boemo jwa Go Ikobela Melao ya Lekgetho ke Eng?

Boemo jwa Go Ikobela Melao ya Lekgetho (Tax Compliance Status [TCS]) bo ne jwa emisetsa tsamaiso ya Setifikeiti sa gore Ga o Kolote Lekgetho se se kileng sa bo se dirisiwa ke SARS

Tsamaiso e ntsha ya TCS e go letla go amogela **TCS PIN** ka nako e o batlang ka yone, mo boemong jwa go newa Setefikeiti sa Lekgetho ka bosone.

Gakologelwa! Boemo jwa gago jwa go ikobela melao ya lekgetho ga bo eme golo go le gongwe fela ka gonne bo fetofetoga tumalanong le ka fa o duelang lekgetho ka gone, e bile bo ka ama ditshono tsa gago tsa kgwebo.

Ke tlhoka eng gore ke ikobele melao ya lekgetho?

Gore o ikobele melao ya lekgetho, o tshwanetse go tlhomamisa gore:

- ✓ O kwadiseditswe mofuta yotlhe ya lekgetho
- ✓ O romela diforomo tsotlhe tsa gago tsa lekgetho ka nako
- ✓ O duela dikoloto tsotlhe tsa gago tsa lekgetho ka nako

O ka amogela jang TCS PIN ka eFiling?

Tlhomamisa gore o laisolotse Adobe Flash le gore e a dira mo khomphiutheng kgotsa mo lepothopong ya gago. Leba www.adobe.com gore o e laisolole.

1 Tsena mo eFiling

Fa e le gore ga o ise o nne modirisi wa eFiling, ikwadise mo www.sarsefiling.co.za. O tshwanetse go bo o ikwadiseditse eFiling mme o na le mofuta o le mongwe wa lekgetho o o duelang mo porofaeleng ya gago ya eFiling, gore o simolodise tirelo ya TCS.

2 Simolodisa tirelo ya gago ya Boemo jwa Go Ikobela Melao ya Lekgetho

O tshwanetse go simolodisa Boemo jwa gago jwa Go Ikobela Melao ya Lekgetho gangwe fela, mme bo tla tswelala bo sa fetoge. Fa o sena go simolodisa tirelo eno, o tla bona "My Compliance Profile" mo sekerining.

Fa o ikwadiseditse mofuta o le mongwe wa lekgetho mme o ise o kopa-nye mofuta ya lekgetho mo porofaeleng e le nngwe e e kwadisitsweng, go tshitshingwa gore o tlatse "Merge Entities" go bona porofaele ya makgetho otlhe.

3 Leba "My Compliance Profile"

Boemo jwa gago jwa go ikobela melao ya lekgetho bo tla bontshiwa le go bapisiwa le dipatlafalo tse di latelang tsa go ikobela melao ya lekgetho:

- Boemo jwa go ikwadisa
- Go romela diforomo tsa lekgetho
- Sekoloto
- Ditokomane tse di maleba tse di tshetsang bosupi.

Go tla tlhaga porofaele e e nang le mmala go supa gore a o ikobela melao ya lekgetho mo patlafalong nngwe le nngwe ya go ikobela melao ya lekgetho e e mo lenaaneng le le fa godimo.

Botala - Lekgetho la gago le mo maemong a a siameng mme moduelalekgetho o ikobela melao ya lekgetho

Bohibidu - Lekgetho la gago ga le mo maemong a a siameng mme moduelalekgetho ga a ikobela melao ya lekgetho.

4 Kopa PIN ya eFiling

Go kopa PIN ya go tsena mo "My Compliance Profile":

- Tlhopha seithophelwa sa Kopo ya Boemo jwa Go Ikobela Melao ya Lekgetho
- Tlhopha mofuta wa TCS o o batlang go dira kopo ya one. O tlile go nna le ditlhopho tse di latelang:
 - » Go sa kolote
 - » Thendara
 - » Dipeeletsomadi kwa Nageng e Sele (tsa batho ka bongwe fela)
 - » Go fudugela kwa nageng e sele (ga batho ka bongwe fela)
- Tlatsa Kopo ya Boemo Jwa Go Ikobela Melao ya Lekgetho mme o e romele kwa SARS.

O tla newa PIN kwantle ga go senya nako ka SMS kgotsa ka imeile fa merero ya gago ya lekgetho e le mo maemong a a siameng.

O ka nna wa kopa go newa PIN gape ka fa tlase ga "My Compliance Profile"

ELA TLHOKO: Kopo nngwe le nngwe ya TCS e o e romelang kwa SARS e tla ntshediwa PIN e e kgethegileng.

Ke tshwanetse go dira eng fa "My Compliance Profile" e le Khibidu?

Tlhopho 1:

Baya motsu wa gago mo godimo ga "Non-compliant" mo eFiling go bona dintlha go ya pele tsa gore o ka baakanya jang boemo jwa gago jwa go ikobela melao ya lekgetho le go tsaya kgato e e tshwanetseng.

Tlhopho 2:

Fa o sa dumelaned, e bile o batla go ntsha ngongorego ka boemo jwa go ikobela melao ya lekgetho, tlhopha seithophelwa sa "Challenge Status" kwa tlase mo sekerinibg sa "My Compliance Profile"



Ke mang yo o tla netefatsang boemo jwa gago jwa go ikobela melao ya lekgetho

Go ka nna ga nna le maemo a mo go one mongwe (motho ka bongwe kgotsa setlamo se sengwe kgotsa setheo sa puso) a tlhokang go netefatsa boemo jwa gago jwa go okobela melao ya lekgetho fa o dira kopo ya go newa thendara, gore ga o kolote - go netefatsa gore a maemo a gago a lekgetho a eme sentle kwa SARS kgotsa go amogela madi a Dipeeletsomadi tsa Naga e Sele.

Go netefatsa boemo jwa gago jwa go ikobela melao ya lekgetho mo eFiling, motho kgotsa setlamo se tla batla nomoretshupetso ya gago ya lekgetho le Nomore ya Pin. Visit www.sars.gov.za gore o tseye kgato ya go netefatsa TCS PIN.

DISCLAIMER

The information contained in this leaflet is intended as guidance only and is not considered to be a legal reference, nor is it a binding ruling. The information does not take the place of legislation and readers who are in doubt regarding any aspect of the information displayed in the leaflet should refer to the relevant legislation, or seek a formal opinion from a suitably qualified individual. For more information you may – • Visit the SARS website www.sars.gov.za • Contact your registered tax practitioner; • Contact the SARS National Contact Centre – If calling locally, on 0800 00 7277; or If calling from abroad, on +27 11 602 2093 (only between 8am and 4pm South African time).